

ukuze angafumani thuba uSathana, yena ufunu iintiyano neemfazwe.

ISIPHETHO.

Emva kwale ntlanganiso kususwe ihlakani laya kundikhwelisa kuloliwe wasebusuku oya ezibukweni laseDieppe apho ndingene enqanaweni ewele i-English Channel yandihlisa eNewhaven ndangena kuloliwe ofike eLondon ekuseni ngolwesiNe ngomhla we 19 April. Iintsuku zibesibozondibonaizihlobo, ndithetha ezintlanganisweni eLondon naseBirmingham, ndaza ndakhwela kwisikheph, iKildonan Castle, esiphinde umkhondo saya kundifaka eKapa ngolwesiBini, 15 May; ndaza emva kweentsuku ezisixhenxe zokuphumla eKapa ndangena kuloliwe ondifikise eDikeni kwa-Nokoleji ngohambo olugqib'e iimayilc ezima 25,624 lulonke ngobabalo lwenKosi.

Ma ndiphethe ngelithi, oneendlebc zokuva ma keve, azilungelanise noThixo, engekayiweli ijordane yokugqibela yokuphuma komphemfumlo enyameni usinga kwjerusalem entsa, efanekiswa nezulu, njengoko yabonwa ngu-Johane kwisiTyilelo 21, ivesi 2 neye 10.

“ Mna Johane ndingulowo ubezibona ezi zinto, eziva; ndathi ndakuva, ndakubona, ndawa, ndaqubuda phambi kweenyawo zesithunywa sezulu esandibonisa ezi zinto.” —isiTyilelo 22, ivesi 8.

Udumiso ma lubeko kuYise, nakuNyana, nakuMoya OyiNgewe. Amen.

INKCAZELO YAMAZWI ATHILE.

umxhwentsa — yinto ende enobungqindilili
amaqebęra — ngabantu abaneziq u ezikhulu
inkono-nkono — yinto exwebileyo
isinonophu — sisityebi
imposole — yinto ephezulu kunezinye
isikhwasakwitshi — yinto ekhawulezayo
inyilikityhawe — yinto eninzi inyakazela
ugcadalala — lugxiba
oluqhelezayo — olunxibe izinto eziyokozelayo
ising'ang'amfu — yinto ebanzi
uthiniko — yinto elukhuni
inketyenga — yinto enciphileyo ekuseni ibike yankulu
isiqihela — sisidenge
ubunkontyo — bibusuholo-holo
ingwatyu — yinto engathi isunxhowa
imilimokwe — yinto edibeneyo ibingafanele kudisana
iqakatyé — yinto enkulu
imixanduva — zizinto ezibanzi kwa nobungqindilili
umkhoko — lukqozo
imiñiliq — kukucula ngezwi eliphezulu ngomva wentloko
ukungwangqaza — kukulila okungayekiyo
ugcadiyo — luvuyo olušukumisa umzimba
umjuxuzo — yintukumo yokutsiba-tsiba
ingxokolo — yimfumba
amafityo-fityo — zizinto ezinandiphekayo emlonyeni
intsongoqa — yinto ekraqrayo ngokwentjongo yecuba
isiqojo — yintonga emfutshane eyomeleleyo nenesiq
udondolo — yintonga ende evelayo emagxeni
intsinda-badala — yinkohla
ingqaqasi — yindawo eyomileyo
imityungu-tyungu — zizinto ezikpozileyo

incosololo — ngumntu omde, umnconco solo
umjojo — yinto elandela enye ngoibisi obukwafanayo
isigxonono — yinto eyoyikekayo kuba inkulu imbi
ibubesi — yingonyama, ngokwentetho yakudala
isimayile — yinto engasukumiyo kodwa ijamile
isangcunge — yinto eyongamileyo isoyikeka
udunkanka — yimfihlo enqasibleyo ukunanyululwa
isicicibala — yinto ecekethekileyo
imbejembeje — yinto entle
impula-kalujaca — lihlwempu
ukunyhila — kukutyhala
inyholoba — licala lesinqe
isibekede — ngumntu obaleka ade abenele phambili nge-
sinqe
ikhatshakhowa — lusizana oluxwebileyo
ufondoqa — yinto exwebileyo
imfebe — lihlwempu
inkembanca — yinto ebitye yacutheka amacala
ikhaphela — lixolo
umchwebelele — yinto entle
umtsholoz — yinto entle eyelele kwindlela yokuhamba
isi-ahaha — sisimanga esimangalisa umntu ade avule
umlomo

IIINCWADI ZIKA D. D. T. JABAVU
ZEZI :—

E-Amerika, 1/-, postage 2d.
Kayakulu, 10d. post free
Incwadi yabaLimi, 1/8, post free
The Black Problem, 2/6, postage 3d.
IBali lama Msengu, 3/3 ; 4/9 ; post free
Native Disabilities in South Africa, 1/-, postage 2d
Native Taxation, 4d, post free
Life of J. T. Jabavu, 4/10 ; 6/10 post free
EJerusalem, 2/6, postage 3d.
IziGaneko zamabali, 4d: post free

Zitengwa ku

Manager,

**BOOK DEPARTMENT,
P.O. Lovedale, C.P.**